

PAKATAN HARAPAN
Chedet.cc
18 Januari 2018
Tun Dr Mahathir Mohamad

1. 1. Pakatan Harapan belum didaftar. Gabungan empat buah parti sehaluan ini telah memohon kepada Pendaftar Pertubuhan untuk didaftar dan logo/symbolnya dilulus tetapi sehingga kini P.H. belum didaftar walaupun berkali-kali P.H. cuba mendapat keputusan Pendaftar.
2. Pendaftar tidak pun jawab surat kami bahkan tidak menyatakan surat permohonan dan surat pertanyaan kami diterima atau tidak. Perjumpaan dengan pendaftar dua kali tidak menghasilkan penjelasan rasmi. Kononnya ada masalah dengan DAP dan Parti Pribumi. Kenyataan juga dibuat oleh Pendaftar kepada orang ramai, tetapi tidak ada surat rasmi menjelaskan apa dianya masalah.
3. Jawapan tertulis tidak pernah diterima dari Pendaftar. Hakikatnya ialah hingga sekarang selepas 7 bulan permohonan dibuat Pakatan Harapan tidak tahu apa kedudukannya. Tanpa kelulusan secara rasmi gabungan kami dan logo/symbolnya, kami tidak dapat bertanding dalam PRU 14 sebagai sebuah gabungan dengan logo/symbol yang sama.
4. Jika kami tidak dapat kelulusan terutama bagi simbol kami, maka kami terpaksa guna simbol masing-masing. Ini akan mengelirukan pengundi.
5. Tidak menjawab tidak bermakna Pendaftar tidak lulus. Parti memerlukan masa yang panjang untuk memperkenalkan simbol dan gabungan kami kepada orang ramai. Jika kelulusan diberi setelah Parlimen dibubar, tidak ada masa bagi kami membuat persiapan.

6. Tidak melulus atau kelulusan lewat yang melemah kami akan menguntungkan BN dan UMNO. Ada unsur mala fide, niat tidak baik dalam tindakan Pendaftar tidak jawab permohonan kami.

7. Sesungguhnya sudah tidak ada pentadbiran mengikut undang-undang (the Rule of Law) di Malaysia yang dikuasai oleh Najib.

8. Rakyat perlu ambil perhatian terhadap tindakan Najib untuk menafikan hak rakyat memilih Kerajaan dalam pilihanraya mengikut Perlembagaan Negara.

15 thoughts on "PAKATAN HARAPAN"

Log in to Reply anti rasuah Jan 22,2018 12:23 PM

Assalamualaikum.

ROS tido dan tak buat kerja, report pada PM bahalol tu.

PH wajar buat laporan polis sekarang.

Selepas BN balalol kalah selepas PRU, kita dakwa ketua ROS dan ex PM yang bahalol.

Ketika ada kuasa berlagak dan bongkak.

Wassalam.

Log in to Reply pakchop Jan 22,2018 8:37 AM

PH perlu mengambil tindakan keras kepada ROS bila PH mengambil alih putrajaya nanti.

Log in to Reply Cal Jan 21,2018 7:22 PM

Dear Tun,

Patience – if you cannot win this game against ROS, all your subsequent plans will be futile.

And the plans I hope you will willingly listen to and implement are PARAMOUNT in turning the ripples into Waves and into tsunami.

Honestly, you need 3 or 4 tsunamis to secure a win...

- 1) a Malay tsunami like Anwar 1999
- 2) a Chinese tsunami like GE 13
- 3) a youth fence seater tsunami to your side
- 4) a PAS come back to the alliance

Can you do that?

Regards,

Cal Lai

Log in to Reply sibotak Jan 21,2018 9:03 AM

Najib does not fit

He is lazy , improvident , self centered , untrustworthy ,corrupted , no vision
a very spoiled child of Tun Razak .

Initially it was Ok as we see him as Tun Razak

The 1st he give up Tanjung Pagar KTM Vast Land

It strikes me something is very wrong

Followed by his 1 MDB scam , Felda and the many more

It just tell a story

He is not running nor governing Malaysia

He is busy taking care for his own good self misusing his post

He don't care what are the loses of one loses after another

He sold Proton not because of economic vital reason

But just to hurt Tun Mahathir

Just to show off , its very arrogant

Very emotional ,very un professional

very childish act indeed on part of Najib

In one word Najib is a Total Waste for Malaysia

His family wasted Malaysia

We need a Change

We demand a Change

Log in to Reply Ace Rockefeller Jan 20,2018 9:51 PM

Penyokong PAS menyangka menyokong PAS adalah tiket ke syurga, jika mati dlm perjuangan PAS maka mati syahid. Persoalannya adalah (1) adakah PAS benar² memperjuangkan Islam, adakah Islam membenarkan pemimpin² membisu, menyokong & bersubahat dgn pencuri negara?.(2) Adakah PAS memperjuangkan nasib rakyat yg menderita kerana dasar² Najib atau hanya gunakan agama utk perjuangan survival politik mereka?

Log in to Reply Dato' Jan 20,2018 4:49 PM

Petikan daripada Al-Quran, An-Naml (27:50)

وَمَكَرُوا مَكْرًا وَمَكَرْنَا مَكْرًا وَهُمْ لَا يَشْعُرُونَ

Wamakaroo makran wamakarna makran wahum la yashAAuroona

Dan (dengan demikian) mereka telah merancangkan rancangan jahat, dan Kami pula rancangkan balasannya dengan seburuk-buruk balasan, sedang mereka tidak menyedarinya.

Log in to Reply sibotak Jan 20,2018 3:59 PM

Dunia Islam memerlukan Pemimpin yg Luar Biasa sekarang

Kerana Dunia Islam di pijak ke tangga yg paling rendah

Tun Mahathir dari Malaysia , Edrogan dari Turkey adalah calon calon nya

Itu pun tak cukup .Dunia Islam tidak ada Pemimpin sendiri

Najib ? elleh... suruh dia jual kangkung di tepi jalan sudah

Sayang , Pemimpin Jaguh seperti Tun masih serba kekurangan bagi menempuh Ujian Penghinaan yg di hadapi oleh Umat Islam sekarang

Malaysia tidak punya Senjata . Senjata kontot adalah

Yg tidak mampu mempertahankan diri sendiri

Maka perlu gabungan sesama Ummah

Perlu berhimpun para Pemimpin Islam sedunia ,Ulama seDunia

Bagi mempertahankan maruah Islam

Sept 11

Made is U.S.A

Designed by Israel

Marketed by The West . Advertised by Their Media ...CNN, BBC etc

Bought by The Stupid Islamic Leader today and They submit to US Lies

Every one knows it .It was a Big Lie

But every ignore as it does not affect them

US words tells a thousand Lies

One lie after another

Once a Liar always a Liar

BUT Their actions and Their Doings

Speaks The Truth

These The World have seen

These the World , Blinds their Eyes , Deaf their Ear

Think of the sufferings that could come to us

May even hit US

California is a good example now

Log in to Reply musato Jan 20,2018 9:48 AM

Assalamualaikum Tun.

Saya berkesempatan dengar ceramah Nurul Izzah Anwar sebagai penceramah utama.

Tapi saya fikir Nurul Izzah/PKR sudah ketinggalan zaman.

Masih lagi membicarakan berkenaan reformasi dan Anwar. Berceramah membawa mesej dari penjara.

Hishamuddin Rais pun tahu bahawa orang tidak lagi membicarakan berkenaan isu Anwar.

Bagaimana mungkin Nurul Izzah mahu rakyat tamatkan perjuangan reformasi melalui PRU 14 dengan menyuruh rakyat memberikan kemenangan kepada PH?

Orang sokong PH bukan sebab Anwar. Orang sokong PH sebab keadaan hidup sekarang terbeban dan terasa ditipu.

Hentikanlah omong omong bahawa Tun Mahathir sendiri sekarang mengaku pasal kebenaran reformasi yang dibawa Anwar Ibrahim.

Itupun sudah dikira rezeki Wan Azizah dicalonkan sebagai Timbalan PM.

Harap YB Nurul Izzah jangan jadi penyebab PH tidak menang PRU14 dengan membawa mesej yang tidak kena pada masa sekarang iaitu, mahu selesaikan matlamat reformasi pada 1998.

Ini adalah masa untuk mengembalikan/menebus maruah keluarga anda. Kami yang bagi peluang ini.

Bagaimana anda fikir Tun Mahathir boleh berjabat tangan dengan Anwar Ibrahim? sekiranya ia tidak dipersetujui?

Kami hanya menyampaikan kasih sayang kami sebagai manusia. Tebuslah maruah keluarga anda dengan cara yang betul. Inilah masanya.

Semoga apa yang kami buat ini mendapat balasan setimpal dari Allah swt. Sesungguhnya Allah Maha Menguasai.

Terima kasih Tun.

Terima kasih Tun.

Log in to Reply musato Jan 20,2018 12:13 AM

Assalamualaikum Tun.

Saya nak bertanyakan satu soalan pada Tun.

Masa Tun nak pergi melawat Anwar Ibrahim untuk ucap tahniah pasal calon PM tempohari, Tun ada tulis surat tak pada pihak berkuasa?

Ya atau tidak.

Kalau ya, kenapa?

Kalau tidak, kenapa?

Tun tahu jawapannya. Kenapa?

Terima kasih Tun.

Log in to Reply rimba.emas Jan 20,2018 12:11 AM

Salam Tun.

1. Selalunya kalau mendaftar untuk membuka sebuah Syarikat tidaklah sukar sebabnya Syarikat pendaftar dapat duit pendaftaran. Maknanya sumber kewangannya ialah melalui wang pendaftaran.

2. Tidak tahu pula ROS ini dari mana sumber pendapatannya. Sudahlah tidak sebanyak untuk hari-hari dapatan kepada kementeriannya.

3. Kalaulah terlalu birokrasi bermakna ROS bukanlah satu Jabatan yang menguntungkan atau dapat mendatangkan hasil kepada Kementerian tersebut.

4. Untuk ke hadapan ROS inilah yang boleh di pertimbangkan untuk di mansuhkan jika Pakatan Harapan memenangi Pru 14.

5. ROS ini juga sudah sama macam pihak Pendakwaraya yang lebih sudu dari kuah. Sudah ada kuasa pemutus sebelum di bicarakan atau di rundingkan.

6. Rimba Emas setuju dengan Sri Sense. Lebih baik logo Parti masing-masing berterusan di perkenalkan kepada orang ramai.

7. Kalau boleh apa-apa risalah di rekakan dalam sesuatu lakaran itu di cantum dengan kesemua logo Parti Komponannya.

8. Contohnya dalam logo itu ada 4 bahagian dengan lambang Parti masing-masing di setiap bahagian.

9. Baru-baru ini di katakan setiap Parti-parti di agihkan pada Parlimen-parlimen di setiap negeri. Pasti ia berpandukan kekuatan Parti-parti pemerintah sekarang.

10. Ahli-ahli yang mendaftar dalam Parti-parti memainkan tanggungjawab penting ke pelusuk menjelajah ke setiap negeri-negeri memaklumkan logo-logo milik Parti masing-masing.

11. Ceritakan kepada orang kampung bahawa masaalah GST akan di hapus bila memilih wakil yang melawan Parti UMNO.

12. Kajian menunjukkan iklan dari mulut ke mulut amat dekat sekali di kalangan penduduk kampung.

13. Pengorbanan sesama rakyat akhirnya boleh memperkasakan perjuangan rakyat demi negara , bangsa dan agama.

Wallahua'lam.

Log in to Reply sibotak Jan 20,2018 12:07 AM

Saya Lawyer bukan , Magistrate pun bukan

Memang Najib Bacul , tak gentleman

Dari persoalan 1MDB dan macam macam lagi

Najib membelakangkan Hak Rakyat , membelakangkan Kebenaran

Menyalah gunakan OSA dan Undang undang

Najib ada Undang sebalik suruhannya melengahkan pemohonan Pakatan

Maka mungkin Pakatan perlu kemukakan di

International Court of Justice atau mana pihak Antarabangsa

Atau mungkin campur tangan United Nation

Pakatan kalau tunggu nanti macam buah tak jatuh

Malaysia mesti pastikan Najib , Rosmah sekeluarga tidak cabut lari

Sebagaimana Najib pasti tahu di mana Jho Low

Kenapa SPRM tidak soal Anak tiri Najib ?

Log in to Reply Hajar Jan 19,2018 10:01 PM

Salam Yang Amat DiHormati dan DiSanjungi Tun,

No worries Tun...

Akan ada hikmah di atas kegagalan untuk mendaftarkan PH.

Jika pendaftaran PH masih tidak diluluskan sehingga PRU-14, PPBM (dan parti2 lain dalam PH) akan dapat banyak undi simpati dari pengundi2 atas pagar dan pengundi2 yang dulunya mengundi UMNO/BN.

Faktor Tun sebagai calon PM dari PH juga sudah memadai untuk mengalih sejumlah undi dari BN kepada PH. Ramai yang menaruh HARAPAN terhadap Tun (untuk jadi PM kembali).

Terima kasih Tun.

– Semoga Allah SWT sentiasa merahmati Tun sekeluarga –

Log in to Reply musato Jan 19,2018 6:46 PM

Assalamualaikum Tun.

Ok je x lulus pun.

Tu kang baca pendapat saya, esok luluslah tu.

Terima kasih Tun.

Log in to Reply milshah Jan 19,2018 11:15 AM

Assalamualaikum Tun,

Seboleh-bolehnya Pakatan Harapan masuk dalam PRU 14 menggunakan satu logo dan simbol. Ini untuk menunjukkan kebersamaan dan mengelakan pengundi-pengundi keliru.

Memandangkan RoS tidak daftarkan lagi logo Pakatan Harapan, saya fikir ini tidak menjadi masalah.

Bagi pengundi-pengundi bandar, mereka sudah tahu Pakatan Harapan adalah dari PPBM, PKR, Amanah dan DAP. Malaysia juga mempunyai kadar penggunaan sosial media yang tinggi. Jadi pengguna-pengguna sosial media juga telah sedia maklum parti mana yang mewakili Pakatan Harapan. Lagipun kebanyakan pengundi-pengundi bandar akan undi Pakatan Harapan, tidak kira sama ada Melayu, Cina atau India.

Cuma yang menjadi sedikit masalah adalah pengundi-pengundi melayu kampung yang terdiri dari orang-orang tua yang tidak menggunakan sosial media. Mereka ini adalah termasuk kelompok sasaran yang Pakatan Harapan perlu dapatkan undi mereka.

Antara logo Pakatan Harapan dan logo PPBM, logo PPBM lebih menonjolkan sebagai Parti yang menjaga kepentingan orang-orang Melayu. Pemimpin tertingginya adalah Tun Mahathir, Muhyiddin, dan Mukhriz, yang memang dikenali sebagai pembela nasib bangsa Melayu. Jadi saya rasa, apabila tiba untuk memangkah undi nanti, pengundi-pengundi Melayu ini lebih selesa untuk memangkah logo PPBM. Pada pandangan mereka tidak mungkin PPBM menjual kepentingan Melayu atau dikuasai mana-mana pihak seperti DAP seperti yang dicanangkan oleh pihak UMNO.

Dalam 'worst case scenario', logo Pakatan Harapan tidak dapat digunakan, saya mencadangkan agar kesemua kawasan-kawasan luar bandar kubu-kubu kuat UMNO, menggunakan lambang PPBM walaupun calonnya adalah dari PKR atau Amanah.

Demikian juga kawasan luar bandar kubu-kubu kuat PAS, menggunakan lambang Amanah, walaupun calon-calonya adalah dari PPBM dan PKR. Pakatan Harapan perlu tahu di setiap kawasan undi, lambang manakah yang boleh menarik pengundi terbanyak untuk undi pakatan Harapan.

Saya tidak pasti sama ada kelewatan pendaftaran Pakatan Harapan boleh dibawa ke mahkamah, tetapi boleh dikaji oleh pasukan perundangan Pakatan Harapan. Walaupun begitu, ini memakan masa sedangkan PRU 14 sudah dekat.

Log in to Reply Sri Sense Jan 19,2018 8:40 AM

Selamat Pagi Tun!

Its ok, asalkan yang nak bertanding rajin turun padang, pasti pengundi kenal dengan wajahnya. Lambang boleh letak apa pun, kalau dah kenal calon, lambang tak penting.

Teringat pada satu GE, ramai kawan yang I tanya, tak tengok lambang, ada kawan vote wajah calon yang cantik, ada kawan vote asal calon Melayu, Kalau tak silap masa tu DAP dapat Subang Jaya. Dan calon PKR menang sebab hanya dia saja Melayu bertanding disitu.

Bursa Malaysia masih tak cantik, terbaca semalam ada satu big fund tak nak masuk labur kat Malaysia sebab ekonomi kita neither here nor there, taraf sama standard dengan Indonesia, kira bukan standard big fund ini kita ini la, dan ada juga berita yang ringgit mungkin akan balik pada 4.30 to 1USD.

Take Care TUN!

© 2018 Chedet — All Rights Reserved.

Source: <http://chedet.cc/?p=2756>